



**OPERATIVNI BUDŽETSKI/PRORAČUNSKI KALENDAR
ZA IZRADU I DONOŠENJE BUDŽETA/PRORAČUNA
OPĆINE MAGLAJ ZA 2019. GODINU
I DOKUMENTA OKVIRNOG BUDŽETA/PRORAČUNA
ZA PERIOD 2019 – 2021 GODINU**

Maglaj, 2018. godine

Na osnovu člana 15 Zakona o Budžetima u Federaciji Bosne i Hercegovine („Sl. novine FBiH“, broj: 102/13, 9/14, 13/14, 08/15, 91/15, 102/15.....), člana 18. Statuta Općine Maglaj („Službene novine Općine Maglaj“, broj: 8/07, 3/08 i 6/08), Općinsko vijeće Maglaj, donosi

**OPERATIVNI BUDŽETSKI/PRORAČUNSKI KALENDAR
ZA IZRADU I DONOŠENJE BUDŽETA/PRORAČUNA ZA 2019. GODINU
I DOKUMENTA OKVIRNOG BUDŽETA/PRORAČUNA ZA PERIOD 2019. – 2021.
GODINE**

R/B	DATUM	AKTIVNOST
1.	do 15.02.2018.	Služba za privredu, finansije/financije i razvoj poduzetništva dostavlja budžetskim korisnicima budžetske instrukcije broj 1 o načinu i elementima izrade Dokumenta okvirnog budžeta za period 2019.-2021. godine. (DOB);
2.	do 15.04.2018.	Budžetaki korisnici na osnovu instrukcija dostavljaju Službi za privredu, finansije i razvoj poduzetništva prijedloge prioriteta za izradu DOB-a 2019-2021. godine;
3.	do 15.06.2018.	Služba za privredu, finansije/financije i razvoj poduzetništva priprema DOB za 2019.-2021. godinu i dostavlja ga Općinskom načelniku;
4.	do 30.06.2018.	Općinski načelnik usvaja DOB za 2019.-2021. godinu;
5.	do 15. 07.2018.	Služba za privredu, finansije/financije i razvoj poduzetništva objavljuje DOB na web stranici Općine Maglaj;
6.	do 15.07.2018.	Služba za privredu, finansije/financije i razvoj poduzetništva dostavlja budžetskim korisnicima budžetsku instrukciju broj 2 - Početna budžetska ograničenja i smjernice za izradu zahtjeva budžetskih korisnika;
7.	do 15.08.2018.	Budžetski korisnici dostavljaju Službi za privredu, finansije/financije i razvoj poduzetništva budžetske zahtjeve;
8.	do 15.09.2018.	Služba za privredu, finansije/financije i razvoj poduzetništva obavlja konsultacije sa budžetskim korisnicima u vezi sa zahtjevima budžetskih korisnika i prioritetima budžetske potrošnje;
9.	do 15.10.2018.	Služba za privredu, finansije/financije i razvoj poduzetništva dostavlja Općinskom načelniku Nacrt Budžeta za 2019. godinu;
10.	do 01. 11.2018.	Općinski načelnik utvrđuje Nacrt Budžeta za 2019. godinu;
11.	do 05.11.2018.	Općinski načelnik dostavlja Nacrt Budžeta za 2019. godinu i prateću dokumentaciju propisanu Zakonom o budžetima u Federaciji BiH, Općinskom vijeću;
12.	do 31.12.2018.	Općinsko vijeće donosi Budžet za 2019. godinu;

O b r a z l o ž e n j e

Operativni budžetski kalendar za izradu i donošenje budžeta za 2019. godinu i Dokument okvirnog budžeta za 2019. – 2021. godinu podrazumijeva plan aktivnosti koje je potrebno provesti pri izradi i donošenju Budžeta za narednu godinu kao i Dokumenta okvirnog budžeta za period od tri godine.

Zakonom o budžetima u Federaciji Bosne i Hercegovine objavljenog u „Službenim novinama Federacije Bosne i Hercegovine“, broj: 102/13, 9/14, 13/14, 08/15, 91/15, 102/15.... propisan je Budžetski kalendar po kome se priprema i usvaja Budžet, kao i obaveza trogodišnjeg planiranja Budžeta za sve nivoe vlasti, odnosno za sve korisnike budžetskih sredstava i izvanbudžetskih fondova.

Trogodišnje planiranje podrazumijeva izradu Dokumenta okvirnog budžeta za period od tri godine, koji je osnova za pripremu i izradu Budžeta za narednu fiskalnu godinu za sve nivoe vlasti. U poglavlju 2., odnosno članom 18. pomenutog Zakona o budžetima u F BiH, propisana je obaveza donošenja Dokumenta okvirnog budžeta od strane Vlade, odnosno Općinskog načelnika do 30. juna tekuće godine, za naredne tri godine zajedno sa srednjoročnim okvirom rashoda za tri godine, nakon čega se u skladu sa članom 32. Zakona o budžetima u F BiH DOB uz Nacrt Budžeta dostavlja Općinskom vijeću kao informacija i objavljuje na web stranici Općine Maglaj.

Obradivači:

Senada Alibajraktarević, 

Sabina Grahić 



Predlagач:
Općinski načelnik
Mirsad Mahmutagić 